



**DE VITA || ET MORIBVS IGNA-||TII LOIOLAE,|| QVI  
SOCIETATEM IESV || fundauit, Libri III.|| Auctore Ioanne  
Petro Maffeo, pres-||bytero Societatis eiusdem.|| Ex  
auctoritate superiorum.||**

**Maffei, Giovanni Pietro**

**Köln, 1585**

**VD16 M 110**

Eiusdem animi submißio, & quid de virtute Obedientiæ senserit. Cap. VII.

---

[urn:nbn:de:hbz:466:1-68259](https://nbn-resolving.de/urn:nbn:de:hbz:466:1-68259)

cuiusmodi in homines etiam studiosos perfectionis cadunt: nam grauiores Ignatius minimè tolerasset. Solebat etiam sibi fontibus ad humilem mensam in triclinio accumbentibus, obiurgatorem inducere, infimæ plerunque conditionis hominem sed ingeniosum & acrem, qui cunctis audientibus, vitia reorum increparet, exprobraretque religionis annos, & negligentiam: idemque cæteros carptim nec opinantes repente perstringeret, nimirum cunctum superbiæ causa mentisque è pigritiæ veterno excitandæ. Sed qui deliquerant, priusquam ex consuetudine punirentur, quām lenissimè operam dabat, ut suam ipsi culpam agnoscerent, atque vltro sibimet multam irrogarent. quæ tamen si grauior videatur, confessione contentus, ita moderabatur, ut multum sæpè de acerbitate minueret.

*Eiusdem animi submissio, & quid de virtute Obedientia senserit.*

*Cap. VII.*

T 4 Ne-

**N**egabat, suo quidem iudicio, quād  
quam probè intelligere quam  
vehementer in se quisq; diuinæ boni-  
tatis operationem impediat: quantaue  
illius beneficia & dona per socordiam  
ignauiamq; corrupta. quo crimine  
se fse accusabat in primis, atq; ita de suis  
rebus demisse & humiliter sentiebat,  
vt se mortalium omnium infimum,  
& opis diuinæ maximè egentem puta-  
ret: sibiq; cæteros omnes ad virtutem  
pietatemq; & exemplo & incitamēto  
fateretur esse. Priuatae verò vitæ quāto  
desiderio teneretur, & initio declara-  
uit in recusando magistratu; & deinde,  
cum vt redigeretur in ordinem, alius  
que sibi succederet, omni ope conten-  
dit. quod tametsi consequutus nō est;  
tamē obedientiæ studium quibuscūq;  
rebus potuit, semper ostendit. Roma-  
no quidē Pontifici, cuius in verba præ-  
cipuo sacramento iurauerat, ita erat  
præsto, vt ad ipsius nutum se paratū  
exhiberet, confecta iam aetate, vnius  
baculi adminiculo, pedibus quocunq;  
opus esset, peregrè proficiisci vel eti-  
am nauigium ascendere planè exar-

ma-

matum, seque eodem Pontifice iubēn-  
te, mari ventisq; sine vlla dubitatione  
committere. Quem ipsius animum vir-  
quidam primarius cum haud satis pro-  
baret, & in eiusmodi re consilium pru-  
dentiamque requireret ; prudentiam  
quidem, non obedientis, verum impe-  
rantis esse respondit Ignatius. Et sane,  
cum in Societate nostra virtutem hāc  
cæteris omnibus anteferret; tum nihil  
huic laudi tam contrarium dicebat es-  
se, quām in superiorum iussis & consi-  
lio examinando moram, vel potius ar-  
rogantiam . negabatque obedientis  
nomine dignum haberi oportere, qui  
legitimo superiori non cum volunta-  
te iudicium quoque submitteret. Id e-  
nim demum esse Deo gratissimum ho-  
locaustum, cum omnes animi vires, ac  
præsertim intelligentia & mens, quæ  
summum in homine obtinet locum,  
in obsequium Christi coguntur. qui  
vero inuiti ac dissentientes, actu exteri-  
ore dumtaxat, iussa præpositorum ex-  
sequerentur ; hos inter vilissima man-  
cipia, vel pecudes potius numerandos  
aiebat. Exstat eius epistola ad socios

T s Lu-

Lusitanos in hanc sententiam scripta,  
(qua nihil ego quidem in eo genere vi-  
di subtilius) quam qui accurate perle-  
gerit, facile intelliget, quam iure Ignatius  
tantum huic vni mentis & ratio-  
nis obsequio tribuendū putarit. Quin-  
etiam in sermone quotidiano sēpissime  
me usurpare consueuerat, qui ad supe-  
rioris nutum, voluntatis propensio-  
nem solummodo, non etiam iudicij  
consensionem accommodarent, eos  
alterō tantum pede intra religionis se-  
pta versari. Neque vero eiusmodi præ-  
cepta verbis tātum explicabat ille, sed,  
quantum ei res & persona concede-  
ret, etiam factis. Medico quidem, quo-  
ties agrotaret, ita sedicto audientem  
præbebat, vt eius monita pro oraculis  
duceret, ac quodammodo prudentiam  
penitus exuisse, & omnem suę sa-  
lutis curam & sollicitudinem in eum-  
dem proiecisse videretur. Cūm sto-  
macho gratissime laboraret aliquan-  
do, ex nimio videlicet hepatis calore,  
vt supra diximus, adhibitus medicus,  
quo domus eo tempore vtebatur ado-  
lescente nec peritissimo, frigidæ cor-  
poris

poris constitutioni causam illico trubuit. nec mora. quidquid excogitare potuit ad corpus & præcordia calefacienda, præscripsit. ac primū fenestras, forasque cubiculi, ne quid afflaret auræ, obserari diligēter iussit, deinde languētem multa sub veste continere sese, postremo quām calidissimo cibatu, & exiguo mero, sed quām austerrissimo refici. quā omnia Ignatius licet sibi, non leuibus argumentis, minime accommodata sentiret, ac medicum ipsum nec litteratissimum, neque exercitatiissimum sciret esse, tamen, ne cū extremitate quidem vitę periculo, contra eius edita nihil umquam effatus est. Astas erat summa: calores, ut in Vrbe, maximi: ingenti stromatum pondere premebatur Ignatius: manabat è membris omnibus tanta sudoris copia, ut culcitram ac vestes maderent, ac nihilominus ex præcepto se intra calida foimenta cohibebat ægrotus, ardebat siti, nihil omnino poscebat: discruciabantur doloribus acerbissimis, nullam edebat vocem, linquebatur animo interdum, neque tamen significabat, deinde

nique

nique peruersa curatione eō adductus  
est, vt cum vltimum sibi discrimen ad-  
esse intelligeret, Societatis administra-  
tione Patribus delegata, aditu cubiculi  
domesticos prohiberet omnes, vno  
excepto valetudinarij curatōrē: atque  
id demum exstitit signum, desperata  
iam valetudine, se ad vitā exitum com-  
parantis. Itaque Patres in re tam subi-  
ta consilio habito, cum non deessent  
qui medici præsertim iunioris placita  
reprehenderent; Alexandrum Petro-  
nium, ætate prouecta virum, & medi-  
cæ artis laude præstantem, extemplo  
acciri iubent. Is vt inspexit Ignatium,  
genusque & ordinem adhibitæ medi-  
cinæ cognouit; per summam indignationem  
vociferatur, hominem calore  
necatum esse: pandi confessim fene-  
stras & ostia; leuari stragulis lectum; fri-  
gidæ haustus affatim dari æstuanti im-  
perat: quæ res prioris medici inscitiam  
planè coarguit; siquidem refrigerato  
hepate, ventriculi tormenta quicuere:  
& obedientiæ meritis Pater auctus, pri-  
stinam insuper valetudinem breui re-  
cepit. Rursus, cum iciunia cineralia,  
seu

seu Quadragesimam quamuis affecto  
corpusculo perseueranter nihilomi-  
nus obseruasset; ipsa deniq; feria quar-  
ta sanctioris hebdomadæ, febri corre-  
ptus est; nec dubitauit idem Alexan-  
der, quin totum id ex imbecillitate ni-  
mia proueniret ; quo circa pulli galli-  
nacei esum ad vesperā illi præscripsit,  
abijtque admodum incertus animi, v-  
trum Ignatius tali tempore iussa factu-  
rus esset. redit deinde postridie, querit-  
que sollicitus, num se refecerit pullo.  
cum annuisset Ignatius : Fatebor, in-  
quit Alexander, ingenue id quod res  
est. Complures non custodita solemini  
abstinentia , nihilominus hoc triduo  
in morbum incidere. quibus ego cum  
accersitus , carnium cibatum indixe-  
rim , vix ægreque ab ijs impetraui , vt  
obtemperarent. propterea quòd per  
hos dies carnib⁹ vesici , nimis graue pia-  
culum ducerent.tu contra , peracto iā  
pœnè curriculo , ad ipsas metas meo  
monitu non recusasti desistere. hoc e-  
go, Pater, satis mirari non possum. Ad  
ea Ignatius serena fronte , quæ animi  
tranquillitatem indicaret: Atqui obe-  
dien-

diendum est, inquit. nec plura in eam  
sententiam effatus est. quo responso  
mirifice delectatus Alexander, & san-  
ctitatem viri magis magisque suspici-  
ens, totam rei gestæ seriem ipsam  
mihi deinde narravit. Atque ad sapien-  
tem hanc sanctamque stultitiam coe-  
cæ, ut ipse appellabat, obedientię suos,  
ut essent ad subita ac seria promptio-  
res, interdum fictis etiam in rebus erudi-  
diebat. Sacerdos quidam, edito iam  
signo, paratus ad sacrificium, & cali-  
cem tenens, cum ē vestiario pedem ef-  
ferret, per nuntium ab Ignatio, qui to-  
tam rem ē propinquo obseruabat, re-  
pente iubetur, sacro deposito ornatu,  
pallium sumere proculdi causa. Pa-  
ruit ille sine tergiuersatione, ac pallia-  
tus Patri confessim apparuit. Tum I-  
gnatius querit ex homine; sit ne ægre  
passus, in procinctu iam ad immolan-  
dum, subito se iuberi sacra deponere  
vestimenta, remque diuinam omitte-  
re? Cūm ille, se, ne tantulum quidem  
esse cōmotum affirmaret: Atqui me,  
scito (inquit Ignatius) non quo te in  
præsentia opus habeam, sed periclitan-  
di

di tui obsequij gratia id fecisse de industria. & sic habeto , plus te sacrificio deserendo esse meritum , quām si id ipsum , vt destinaueras , illico peregisses: nam & si altaris mysterium tanti apud Deum est, quanti profecto est;tamen , vt scriptum legimus , melior est obedientia quām victimæ. Quemdam etiam , cum maxime confessionem nobilis cuiusdam exciperet , consulto vocari ad se iussit . cum ille se peracto mysterio mox affuturum dixisset; accersit eum denuo: at ipse nihilominus confitentis rogatu hæsit paululū. ac venienti demum Ignatius: Itá ne vero? iterum, inquit, euocandus es? Et grauioribus verbis exceptit hominem, non quo illius tum quidem opera egeret, sed obseruantiam & agilitatem experiri voluerat. Sic enim aiebat, cupere se, quemadmodum cæteræ Deo dicatę familiæ, ex instituto alię paupertatem, alię silentium, alię psalmodiam , alię denique aliud præcipuo studio colerent, sic in Societate nihil haberi prius aut potius alacritate amoreque parenti, & maxime proprium insigne nostro-

strorum hominum esse Obedientiam; quippè quæ, diuo Gregorio teste, virt<sup>u</sup> vna, cæteras omnes animo virtutes inserat, insertasque custodiat. Hisce ergo artibus, & huiusmodi, subinde alumnos exercere consueuit; ut ad quamlibet præfecti vocem, aut significationē parati, vel inchoatum apicem in scribendo relinquerent; seque expeditos vbi vbi opus esset, illico sisterent.

*Paupertas eius, & castimonia.*

*Cap. VIII.*

**V**oluntariam paupertatem (quam ille religionismurum appellabat) ad extremum usq; constantissime coluit; nec modo ipse proprium habuit nihil, sed ne alios quidem, quamuis genere nobiles, ac delicijs olim assuetos, quidquam habere permisit. quinetiam quemquam è professâ domo apud Germanicum, Romanum ve Collegium, nisi admodum raro & iusta de causa prohibuit vesci: quo nimirum, si opus esset, iurare verius posset, nihil omnino ad ipsam domum ex Collegiorum fructibus peruenisse. Pauperem autem spiri-